

博

物

典

彙

博物典彙卷之十九

史官黃道周參玄氏纂

九邊

薊州居庸關保定紫荆關倒馬關爲內三關。山西雁門關寧武關偏頭關爲

外三

關

總論九邊形勢

黃氏曰。國家建都燕京。三面臨虜。防邊大計。視古加詳。初以遼東。大寧。宣府。大同。甘肅。寧夏爲六鎮。復益以薊州。榆林。固原。爲九邊。每邊各設重兵。統以大將。副以偏裨。監以憲臣。鎮以開府。

聯以總督。無事則畫地防守。有事則犄角爲援。地形兵力。可謂備且周矣。無何當事失策。舊制漸踰。大寧棄而薊州逼。三岔河棄而遼東悚。河套棄而陝右警。西河棄而甘州危。至今日者。奴酋開釁。我一戰而鐵嶺破。又一戰而瀋陽陷。又一戰而遼陽失。又有不須一戰而拱手以送廣寧者。惜哉。金甌無缺之天下。虧損此一隅也。用是詳考九邊形便。以資借籌。兵法曰。多算乃勝。或庶幾耳。

遼東

自東海岸起。西至薊鎮。沿邊一千餘里。外係虜酋土蠻等部落。任牧。

國初元平章劉益以遼東城池來歸。因建設都臺衛所。又於遼陽開原。設自在安樂二州。以處屬夷。其外附者。東北則女直建州毛憐等衛。西北則朵顏福餘秦寧三衛。分地受官。通貢互市。自嘉靖間虜人大得利去。遂剽掠無時。邊人不得耕牧矣。況邇因朝鮮蹂破。海氛時起。且建酋接攘。犬肆猖蹶。城墟民散。大可恨也。

極衝

遼陽城 義州城 開原城 廣寧城 寧遠城  
瀋陽城 錦州城

次衝

海州城 鐵嶺城 中固城 蒲河城 金州城

按遼東爲燕京左臂。三面瀕夷。一面阻海。特開山海關一線之路。內通亦形勝之區也。歷代皆郡縣。改置衛所。始於我朝。撫臺兵備。住廣寧。按院分守。住遼陽。互相控制。有開原廣寧並

襟吭金復海蓋頗稱沃野。三岔河南北亘數百  
里。多水草之利。遼陽曲城在焉。今竟已委之於  
虜。遼人憤此久矣。然白山聳秀渤海榮廻鳴綠  
混同左右遞相持護。山川融結。故生對盧劼里  
鉢阿骨打諸夷。多謀勇。勢今議恢復。須規三岔  
以通上谷。控金海。以擅魚鹽。東據開原。以爲襟  
北。擴廣寧。以爲吭。佐帷幄者。不可不知。



# 遼東邊圖

遼東十四衛皆自登州  
 海運給之直抵遼陽以  
 達城營老米灣使法行  
 至今遼陽之情安得至  
 此極哉





薊鎮

自遼東邊界起西至宣府一千餘里  
外係老把都青把都等部落住牧

國初兀良哈諸部來降爲置朵顏泰寧福餘三  
衛設大寧都司營州等衛與遼東宣府東西並  
建爲外邊又起古北口至山海關增修關隘爲  
內邊靖難兵起兀良哈以騎從有功乃移大寧  
都司於保定散置營州等衛於順天之境以其  
地界兀良哈遠矢一名藩云然三衛每年朝貢  
互市猶爲藩籬自後部落日蕃夷情譎詐往往  
嚮導北虜嘉靖中虜入占北口徑薄京城薊始

朔重鎮增設總督將領調各鎮兵入衛脩築臺春秋防守視他邊尤嚴此係京師左輔也。

極衝。

古北口 石門寨 居庸關 山海關 喜峰

口 橫嶺城 石塘嶺 渤海所 鎮邊城

黃花鎮 白羊口 八達嶺

次衝

密雲城 建昌營 三屯營 昌平州 鞏華

城 薊州城 懷柔縣

九邊

次衝

通州城 涿州城 三河縣

此古會川地。我太祖逐元。卽其地封寧藩。廣遠曠絕。繞出山後。尤當匝北諸夷之衝。自此內徙。宣遼隔越。聲援斷絕矣。今日邊情。惟萌遼爲急。今計規復之畧。大軍出喜峰。直搗錦川。金寧而夾以開平中屯。興州右屯。及松亭永寧之師。遼海出偏師。以綴禍餘。而繼以義州廣寧之衆。步騎出於牛山。舟師進於小陵。此一定之畫也。

世喜峰口朶顏三衛出入之門尤緊要。按崇禎己巳之變喜峰失守。虜騎長驅如入無人之境。然此地昔人慮之已詳。考其處諸山險阻亦多。但山外攀緣易上。山空水道處所。每于雖修壘二次。皆碎石乾砌。遇水則衝。虜過即平。都御史戴金欲將山外可攀援之處。塹崖鑿壁。山嶺以內。嚴令禁長林木。仍補砌山口水道。使連亘如城。亦如陝西各邊之制。更添墩堡以備防。此亦至計。

荊州邊圖







荊州邊圖





宣府

自黃花鎮起西至大同平遠堡一千二百餘里外係黃台吉等部落住牧

秦漢時上谷郡去京師不四百里逼近山陵

實肩背重地也國初逐虜漠北卽元上都設

開平衛守之置八驛東接大寧西接獨石成

祖三犁虜庭皆自開平興和出入後以大寧內

徙興和亦廢開平孤立難守宣德中乃移衛於

獨石土木之變獨石入城皆破宣府勢危時議

者召宣府總兵官入衛京師人心皇皇或欲棄

其城賴都御史羅亨信安集衆心因設策捍禦

得以保全。近以款虜。邊稍寧。兵馬墩牆。以漸整饬。屹然爲雄鎮矣。

極衝

獨石城 萬全右衛 龍門所 新河口 洗

馬林 葛峪

次衝

宣府城 永寧城 龍門城 長安嶺 萬全

左衛

次衝

順聖川西城 懷來城 延慶州 蔚州城  
廣昌城

按八驛乃常忠武王設置接大宣四驛涼亭洮  
河賽峰黃崖接獨石四驛恒州威遠明安熙寧  
自開平徙衛於獨石棄地蓋三百里及入城破  
沒以後雖得收復而氣勢日微宣府特重矣宣  
府山川糾紛地險而狹分屯建將倍於他鎮是  
以氣完勢固號稱易守然自永寧四海治遠西  
抵西陽河爲大同界東陽河而西抵丁角山爲

山西界。老營堡而西，歷漏頭。保德州爲黃河界。皆逼虜巢，所謂外險。又轉南而東，歷雁門，抵平朔關。而南而東爲保定界。又東北爲順天界。歷高岸、白羊，抵居庸。峻山層嶺，所謂內險，故宜補長峪城，重浮圖峪，內倚諸關，外增重垣，比之金湯，戰克而守同矣。

宣府邊圖

每方百里





大同

自宣鎮西陽和堡起至山西丫角嶺六百四十餘里外係順義王井把漢那吉扯力克等

部落

住牧

古雲中地。川原平行。故多大舉之寇。西則平虜威遠。中則右衛水口等處。皆稱要害。蓋虜犯朔應諸城之路也。東則天城陽和爲虜入順聖諸處之衝。而平虜西連老營堡。虜總出奔。便涉其界。故大同稱難守焉。往者土木既陷。若非郭定襄捍禦之功。則大同丘墟矣。茲以五堡弘陽鎮川鎮邊鎮虜鎮河修弘陽鎮後藩屏已固。雖內境稍安。

但大同邊之外。卽爲曲豆州。地多饒沃。黠虜住牧。於此屠火積薪。不可不深慮也。

極衝

平虜城 威遠城 右衛城 大同城 天城

城 雲石城 鐵山堡

次衝

陽和城 朔州城 鎮虜城 鎮邊堡

次衝

靈丘城 馬邑城 應州城 懷仁城 渾源



城 廣陵城

大同東南爲蔚州。東爲渾源州。正南爲應州。西南爲朔州。朔州西南一百四十里爲偏頭關。大同以西。偏頭關以北。皆虜地。總督雁門。住創代州。所以防其入。總制宣大。住創朔州。所以便其進。○在興和天城一路。宜分守瓦窯。永加。白羊。鵠鵠之險。在左右二衛一路。宜分守黑山。華皮。溝牛心。兔尾河之險。在平虜老營一路。宜分守黃家山。坪紅門之險。○北虜哈刺真哈連二部。

常在此駐牧。入寇無常。近來西虜出套亦同。此虜入寇。

蔚  
廣  
昌





山西鎮自大同丫角山起西至延綏鎮邊一百餘里外係順義王等部落住牧

國初屯戍要害虜住牧尙遠外藉大同爲藩籬內恃三關爲屏蔽素少邊患嘉靖中虜寇太原始設總兵鎮守治偏關尋移治寧武隆慶初虜陷石州屠掠尤慘防禦益惡近者款貢寧雁偏老之間稍得休息

極衝

老營堡 北樓口 偏頭關 河曲縣 寧武

關 雁門關 岢嵐州 保德州

次衛

山西鎮 石州 代州 平刑關

延綏鎮

自黃甫州西至塞夏鎮邊一千五百餘里外係吉囊等住牧

鎮城舊在綏德捐米脂魚河等地於外畿二百里。自正統中都督王禎始城榆林。成化中余子俊巡撫延綏。廣榆林城。增三十六營堡。遂徙鎮焉。東起黃甫川。西至定邊營。千二百餘里。堡塹勾聯。橫截河套之口。自是榆林始爲重鎮。但其地不產五穀。芻糧皆仰給腹裏。萬一虜掠魚河。

餉道阻遠得無坐困耶此榆林第一處也。

極衝

定邊營

神木堡

清平堡

孤山堡

榆林

城

清水營

波羅堡

魚河堡

次衝

新安營

懷遠堡

按榆林墜山湮谷是曰夾道地利亦得矣且地險而防嚴將士敢死戰不買虜虜呼爲駱駝城人馬見則畏之四方征調所向有功更多將林

有節氣。視他鎮爲最焉。惟餉道出魚河堡榆林。命脉一魚河持之。自來有米珠薪桂之譴議者。以陝州有河。可通綏德。若計沿河郡縣。改徵本色以輸之。榆林其少蘇乎。蓋榆林地之耕牧。所藉河套。自套失於弘正間。數千里膏腴。盡爲虜有。榆林由是失所養矣。且無險可據。左右大同。寧夏。勢非所及。雖設迤左烽墩五十二。迤右烽墩九十二。而軍食兩艱。套賊渡河而東。焦家坪。娘娘灘。羊園子。其要在偏頭關。東勝城在偏頭關西北地。倚狼居胥山。東勝與三受降城相存。亡東勝不守。偏頭關。因



以炭

炭

頭國外三關界

河曲縣

保德州

東

府

城

孤

永興

紅寺

遠城

大柏油

神泉

紅城子

飛龍

太和

青王

金河

奇

今平把

山

安

牛心

榆林鎮

茂州

林州

城

路

新

樓

永

水

新

永

北

野

德

大


水

貼

天堡

臨汾

永和



# 榆林邊圖

每方百里

秋青

白雲

化水

距北



天池

吉囊三部兵約

七方出教套內時

龍延後北固宜大

孩兒水



忻州城

托水



交城子

羊皮子

石塘界

沙要

西路

鎮靖

御莊

老隘

保安

延川

安塞

延安

延長

延平

延和

延昌

延壽

延平

延和

延昌

延壽

延平

延和

延昌

延壽

鎮靖山橫山寨

御莊

老隘

保安

延川

安塞

延安

延長

寧塞

沙家坪

朱家坪

朱家坪

朱家坪

朱家坪

朱家坪

朱家坪

朱家坪

朱家坪

朱家坪

朱家坪

朱家坪

野馬湖

新塞

新塞

新塞

新塞

新塞

新塞

新塞

新塞

新塞

新塞

新塞

新塞

新塞

新塞

石塘界

沙要

西路

鎮靖

御莊

老隘

保安

延川

安塞

延安

延長

延平

延和

延昌

延壽

延平

延和

石塘界

沙要

西路

鎮靖

御莊

老隘

保安

延川

安塞

延安

延長

延平

延和

延昌

延壽

延平

延和

石塘界

沙要

西路

鎮靖

御莊

老隘

保安

延川

安塞

延安

延長

延平

延和

延昌

延壽

延平

延和

九

邊

圖

卷

之

一

九

邊

圖

卷

之

一

九

邊

圖

宣夏鎮

自延鎮起西至固原界一千八百餘里外係超胡兒等部落住牧

古朔方河西地

國初置宣夏等五衛西北據

賀蘭山東南帶黃河內有漢唐二渠險固饒沃自虜入套以來邊患始劇其在夏秋則用渾脫浮渡以擾河東嚴冬則踏冰猝入乘我不備而清水興武花馬池尤稱要害云

極衝

平虜城

清水營

興武營

花馬池

次衝

玉泉營 廣武營 靈州營

此開陝重鎮。衛城西南一百四十里。有峽山。峽口兩山相夾。黃河經其中。誠塞上勝槩也。成化前。虜患在河西。虜據套。而河東爲虜衝。花馬池居其中。都憲徐公廷璋。楊公一清。王公瑛。先後築牆畫守。花馬池。西至興武營一百二十里。又西至橫城堡一百四十里。一漫沙漠。寇路析墻頗易。入靈韋。掠環慶。犯平固。則清營鐵柱泉小鹽池爲捷徑。又自大壩廣武渡河而下。至靈韋。

亦易。况經年住套。安爲巢穴。遁逃教誘。盡知我  
內地虛實。遊騎出入。無日無之。延寧固靖。終歲  
不得休息。若擇花馬池便利之地。大建城堡。添  
設叅遊。移總制居之。分屯重兵于清水武興等  
營。令三百里間。旗幟相望。刁斗相聞。其鐵柱泉  
等處。水草大路。畫建墩堡。此不唯得扼吭先制  
之計。東援榆林。西援寧夏。亦常山蛇勢也。

河套

附

河套周廻三面阻河。土地肥饒可耕。切近陝西

榆林堡東至山西偏頭關西至寧夏鎮東西九  
二千里南北可八九百里卽周之朔方秦所取  
匈奴河南地漢定襄趙元昊所據以立國者唐  
過河築三受降城於其北每相去三百里遙爲  
犄角之勢以守之虜是時不敢進套而牧元之  
東勝州又在受降城東國初仍設東勝衛卽  
受降城故址跨據河北以衛套中我軍登東勝  
城一憑望則平沙漠漠見數百里而遙虜匹騎  
不能隱望城輒慟哭而去我邊人得屯耕套中

戍軍之守東勝者亦得轉餉於套至秋深河水堅令虜或伺間而入然防東勝兵外擊不久輒引去自宣德正統間浸失控制以東勝地苦寒轉餉遠又時被虜患遂徙東勝於延綏於是虜始頻渡河犯邊都督王貞乃築榆林城創沿邊一帶營堡墩臺增至二十四所列營積糧以遏寇路景泰初虜犯延慶猶不敢深入天順初有阿羅出者結札加思蘭爲寇掠我邊人爲嚮導糾知河套所在遂人居套中已而札加思蘭殺

可羅出併其衆推滿魯都爲可汗而以朮加思  
蘭爲太師已滿魯都復殺朮加思蘭專領其衆  
其于套猶時出時入未敢牢據也至成化初有  
字羅忽者結毛里孩共居套中時率衆南犯榆  
林西犯寧夏掠環慶至於固原是時虜在套內  
而我軍之守延綏寧夏者顧在其外旣欲備北  
又欲備南腹背受敵于是自孤山至花馬池千  
五百里自花馬池至高橋五百里戰守兩難遂  
棄寧夏外陰莫之守守南河矣時議者欲大興



師搜套虜驛之出外沿河築城堡抵東勝徙民耕守其中侍郎葉盛難之議不行巡撫余子俊請徙延綏治所於榆林築邊牆連墩勾堡橫絕河套之口遏其侵掠朝廷從之賴以稍寧然套遂委之虜矣後復有火篩者故小王子部夷弘治中畜產富於小王子遂與小王相讐殺有太師亦不刺者殺小王子而火篩遂居套中號最强其後小王子長子阿爾倫遁居阿西而自立阿爾倫死弟阿著繼立阿著死其二子長

吉囊次日俺答皆築黠多智部落畏之於是  
衆逐火篩而吉囊遂駐牧套中俺答駐牧開原  
相爲聲勢嘉靖中二虜號最强後吉囊病歿子  
板不孩牧套中時總督侍郎曾銑以議復套被  
誅自後搜套之議未有成斷。



# 寧夏固蘭邊圖

專勿也、景

卷十九 九邊

二二二



固原鎮

自宣鎮起西至甘肅界二百餘里外係虜猶賓兇等部落住牧

成化以前套虜未熾。平固安會之間得稍消息。所備者靖虜一面爾。自弘治中火篩入掠。後當虜衝始卽州治爲鎮城。以固靖甘蘭四衛隸之。與寧夏稱唇齒成一巨鎮矣。

極衝

蘭州

河州

固原城

靖虜衛

西安所

環縣

次衝

澆州衛

西固城

文縣

岷州

階州

漢

中府

甘肅鎮

自四鎮起至嘉峪關沿邊一千五百餘里外係丙兒把兒等部落在牧

漢河西四郡武帝所開以斷匈奴右臂者 國  
初下河西棄燉煌畫嘉峪關爲界由莊浪迤北  
三百餘里爲姑藏地今置鎮番衛又設甘州等  
五衛於張掖肅州衛於酒泉蘭州衛於金城皆  
屯兵拒守全鎮之地幾二千里惟一線通道西  
控西域南蔽羌戎北扞胡虜稱孤懸重鎮云自  
虜款貢以來常假道掠番人攻瓦剌穿塞出入  
防禦始難矣

極衝

涼州衛 高臺所 肅州衛 鎮番衛 莊浪

衛 永昌衛 甘州衛 嘉峪關

次衝

西寧衛 碾伯所







甘肅山丹邊圖



渠



按甘州之張掖郡。肅州之酒泉郡。極西北重鎮。  
北倚合黎山。山丹界。甘肅之中焉。支山在山丹。  
東南五十里。祈連山。在酒泉張掖南。連亘一帶。  
古匈奴失此。嘗曰。亡我所連山。使我六畜不蕃。  
息。亡我焉支山。使我婦女無顏色。○行都司在  
甘州。涼州其門戶也。肅州城西六十里。爲嘉峪  
關。馮勝下河西。畫此爲限。關外卽哈密赤斤安  
定等衛是也。自哈密隔安定破。而甘州門戶薄  
矣。然其俗得茶則生。倘閉關五日。必病渴而死。

○先達謂甘州可屯涼州可屯莊浪西寧俱可屯勢雖孤危溥於鹽利華夷賴之總計九邊之形勢廢東勝則大同寧夏不爲援廢大寧則遼東宣府不爲援以榆林援大同寧夏則偏頭關花馬池等處所以孤弱也以朵顏三衛代大寧則喜峰口古北口黃花鎮等處所以卑薄也審此可得備禦之術矣○議者謂開平四日程則有玻璃谷諸要地興和四日程則有哈刺罕之險哈刺罕卽五雲關之內關內諸山乃陰山之

脊澗。經天塹。能守玻璃谷。以衛開平。戊五雲關。以固興和。大興耕牧。則萬全勢重。京師益壯。是亦一說也。○一宣大二鎮。乃神都北門。蓋紫荆居庸關外。則有宣府一鎮。鎮城既設重兵。復設五路叅將。大小城堡。各設守備等官。原額旗軍一十二萬。雁門關外。則有大同一鎮。鎮城既設重兵。復設三路叅將。九州縣。大小城堡。各設守備等官。原額旗軍八萬餘名。此其藩屏之固。屹然雄鎮也。但宣府去京師甚邇。所持長安嶺橫

巨。虜。難。直。下。惟。大。小。白。陽。葛。峪。青。邊。柴。溝。洗。馬。  
林。渡。口。俱。可。柝。牆。突。入。此。處。防。守。不。可。不。嚴。大。  
同。川。原。平。衍。自。來。大。舉。之。寇。多。山。於。此。東。則。天。  
城。陽。和。爲。虜。入。順。聖。諸。處。之。衝。西。則。平。虜。威。遠。  
中。則。右。衛。水。口。等。處。皆。稱。要。害。蓋。虜。犯。朔。應。諸。  
城。之。路。也。而。平。虜。西。連。老。營。堡。虜。經。出。套。便。涉。  
其。界。故。大。同。稱。難。守。况。其。外。卽。爲。豐。州。地。多。饒。  
沃。點。虜。在。牧。於。此。議。者。欲。於。三。岔。山。路。口。入。柳。  
樹。堡。嚴。戒。之。不。爲。無。見。也。○。向。來。經。理。邊。事。者。

不過以修築牆堡爲長策。如成化間都御史徐  
廷華。余子俊先後修築邊牆。所費何啻百萬。竟  
無成功。正德間楊一清又踵爲之。而亦無益。蓋  
砂土浮散。隨築而隨圯也。夫秦竭天下之力以  
築長城。卒爲平壤。况僅日牆乎。

博物典彙卷之二十

史官黃道周參玄氏纂

四夷

交趾

夷者異類之總名。中國之外。復有四夷。南曰南蠻。有交趾。有雲南。交趾卽今安南。其地東西相距一千七百里。南北相距二千八百里。秦漢以來。所郡縣之地。至宋始自爲國。我聖祖開基。其王陳氏。始先納款。乃著之祖訓。不許後人伐



其國王永樂間王陳日煜爲其臣黎季犛所弑其孫天平來告變乃遣使送還其國黎賊設伏殺天平及我使者命英國公張輔討平之開置交趾都布按三司府州縣衛所等衙門宣德初黎利復反中國流官陷沒者甚衆命安遠侯柳升與總兵王通等討之利乃遣人進前陳王三世孫嵩表乞立爲陳氏後上心知其詐然不欲以兵役困民時楊榮楊士奇俱以爲無益中國遂如其所請復立爲安南王至嘉靖間莫登

唐墓立。黎靈遣使告變。乞天師救援。命毛伯溫討平之。改設宜慰府等司。至今奉貢不絕。雲南在漢爲西南夷。國初猶爲胡元梁王所據。而烏蒙烏撒東川芒部建昌等處酋長與車里平緬諸夷皆未降服。命傅友德沐英討平之。立爲藩府。隨命英鎮其地。至今黔國公世守焉。

## 日本

東夷曰日本。高麗女直。日本故倭奴國。光武時始通中國。歷漢唐宋元。貢獻不一。寇亦不一。開

皇永徽間遣人求佛經。開元雍熙間遣人來從  
儒受經。路由廣東。由明越者。始于唐德宗時成  
亨中。惡倭名。始號日本。其國在拘邪韓國之東  
與朱崖儋耳相近。國初遣使宣諭遂乞降。洪  
武五年。復令二僧往說法導之歸化。後因胡惟  
庸通倭謀逆。故大誥內禁絕其貢蓋四海諸裔  
惟此一國居海中。時許其互市。自四明航海而  
來。鱗鱉數十。戈矛劍戟莫不畢具。出其重貨買  
易。若不滿所欲。燔燬城郭。抄掠民居。聖祖故

深絕之。令東南沿海州縣歷遣將出海巡倭。永樂初年。曾封源道義爲日本國王。十七年倭犯遼東。都督劉江設伏破之。擒斬三千餘人。無一得脫。故遼東至今少倭警。宣弘後。隨貢隨掠。嘉靖間。侯商汪直始勾倭入犯。海上騷然。兵連七省。總制尙書張經。巡撫李天寵。皆以失律坐誅。胡宗憲繼之。經營十年。費餉數百萬。始寧。至萬曆十四年。平秀吉始募位。秀吉之自平信長養子。于是益治兵衆。征服諸州。十七年。蕪井六十六州。十八

年。集兵十萬征東。且曰。吾欲濟海侵唐。遂攻破  
朝鮮。將入犯中國。時石司馬星。候聽沈惟敬封  
貢之議。致損國威。倭衆猖獗。六十年自二十五  
年。邢經畧玠出關。至二十八年。而後得息。

### 朝鮮

周爲箕子所封之國。秦屬遼東。外徼漢初。燕人  
衛滿據之。武帝定爲真番臨屯。樂浪玄菟四郡。  
昭帝并爲樂玄二郡。後爲公孫度所據。傳至孫  
淵。魏滅之。晉永嘉末。始爲高麗。扶餘別種。其

王高建居平壤城卽樂浪郡也。唐征高麗拔平壤。其國東徙在鴨綠水東南千餘里。五代唐時王建代高氏闢地益廣乃遷都松岳以平壤爲西京。其後歷四百餘年未始易址。元至元中西京內屬置東臨路總管府盡慈悲嶺爲界。本朝洪武二年王顥表賀賜金印誥命封高麗王。其門下侍郎李成桂主國事徙居漢城請改國號詔更朝鮮其國分八道統府州郡縣朝貢不缺頃關白興兵王京大破蕭條殘敝非昔日比矣。

北狄

北狄。卽圉漢高之匈奴也。千餘年爲胡元據吾  
中國其所長者。在耐饑寒。習勞苦。自我太祖  
驅逐之。威兼以成。祖窮其巢穴。北狄之衰。未  
有甚於此者。後因土木之變。得志于中國。每秋  
高馬肥。輒起搶黃裏之想。設立邊鎮。旣不能禦  
其入。又不能躡其出。如朶顏三衛。特以捍虜者。  
皆爲其嚮導。更有中國叛人。投於虜中。勾之入  
塞。如嘉靖間趙全丘富等是也。自是無歲不有。

虜患。卽開互市。許通貢。而擾邊如故。隆慶四年。  
俺答孫把漢那吉。以却于俺酋挾其妻來歸。總  
督王崇古議留之。因而要其縛叛示信。於是俺  
答款塞。縛叛人趙全獻闕下誅之。封俺答爲順  
義王。諸虜皆解。辭受封。比屬國順義夫人三娘  
子。尤知尊我中國。故邊境稍寧。然 國家都燕  
虜乃切近之患。備禦之策。尤不可不嚴也。

西戎

西戎有哈密有吐蕃。哈密古伊吾地。最逼甘肅



其西距土魯番不甚遠。爲西域諸國往來咽喉。元族安克帖木兒居之。洪武廿四年。命都督宋晟劉真統兵征哈密。擒其僞王子別列怯。酋王業里失哥等。永樂間遣使入貢。詔封爲忠順王。四傳至索羅帖木兒。爲其下所弑。王母守國。成化間。土魯番以兵劫王母。及金印歸。乃立王母之外孫罕慎。復爲土魯番所殺。自是以後。中國日以經畧哈密爲事。而土魯番時獻金印。城池以要索金幣。又時起奪掠。爲寇甘肅間。當時

鎮臣以失機宜獲罪者不一。嘉靖間總督王瓌與撫臣唐澤興屯訓卒。威加土魯番。請興復哈密。朝廷方欲息兵議不行。土蕃北起陝西河湟。迤南歷四川雲南西北之境。自太祖時立都指揮司。設宣慰司。招討司。以制之。歲通朝貢。卽時有寇掠亦不甚爲患也。

附錄黃氏曰。按蠻夷種類不一。又有苗人。卽古三苗之裔也。自長沙沅辰以南。盡夜郎之境。往往有之。與氏夷混雜。通曰南蠻。散處山

谷間聚而成村者曰寨。其人有名無姓。有族屬無君長。近省界者爲熟苗。輪租服役。稍同良民。不與是籍者謂之生苗。生苗多而熟苗少。元末盜起。陶夢禎舉師勤王。聞苗善鬪。遣使招之。因得入中國。遂不復可控制。所至無寸草尺木。故軍行抄掠曰檢括。言盡取靡有一遺也。嘉靖間倭夷躡蹂。閩越官軍望風卻避。莫敢與戰。不得已亦召苗兵。僅數千人入閩。所過殘暴。官府閉城門。從城上糴米肉給。

之村落皆挈家遁入溪谷。鷄犬器物不能携者。屠剝破毀無遺。路絕行人。不幸遇之。卽斷臂剗腸以爲快。其慘虐尤甚于倭也。楊應龍反時。亦嘗勾引關外生苗助亂。又有羅羅。有二種。居水西十二營。寧谷馬場曹溪者爲黑羅羅。亦曰烏蠻。居暮役者爲白羅羅。亦曰白蠻。風俗畧同。而黑者爲大。姓羅。俗尚鬼。故又曰羅鬼。蜀漢時有火濟者。從孔明破孟獲有功。封羅甸國王。卽今宣慰司安氏遠祖也。自

羅甸東西若自杞夜郎牂牁則以國名若特磨白衣九道則以道名皆羅羅之種也其俗愚而戀主卽虐之不以爲讐故自火濟至今千有餘年世長其土勒四十八部部之長曰頭目人多悍而喜鬪修習攻擊故其兵爲諸苗寇又有棘人在漢爲犍爲郡唐爲干矢部乃南詔之東鄙古者有罪流之西方曰焚言使偏寄于夷也其人善事佛男女手數珠持番呪祈禱輒驗多有削髮爲僧者號曰提奢

稍淳而易治。聲音風俗與南詔畧同。又有崙  
人。一曰崙蠻。散處于牂牁舞溪之界。在辰流  
者多。又有徭人。古八蠻之種也。五溪以南。窮  
極嶺海。迤連巴蜀。皆有之。廣之東西。時破其  
害。徭獠雖異族。而信鬼畏誓。大畧相同。在唐  
虞謂之要服。蓋以信義要質而已。又有獠人。  
古稱天竺。咳首。焦僂。跛踵。穿胸。脰耳。狗軛。旁  
春。謂之八蠻。其支而尤異者。則有飛頭鑿齒。  
鼻飲花面白衫赤視之屬。今嶺表左右及海

外諸國。在在有之。而僑耳交趾。遂以各郡。其俗各以其黨。沿習不一。好依深山積水以居。名曰千欄。無有部勒。每村推其長而役屬之。號曰郎火。父死子繼。餘稱提陀提陀者。猶華言百姓也。大畧與猩猩同。而好殺尤甚。又有黎人乃陽蠻也。今爲瓊崖儋萬四州。治黎有生熟。其生黎有名無姓。不受約束。熟黎慕化服役。稍同編氓。其地有五母山。山之中皆黎族盤據。聚而成村者曰峒。峒各有主。父死子

樂。夫亾妻及時時標掠省界爲害又有車里  
曰老撾曰木邦曰八百曰孟養曰緬甸所謂  
六宣慰國初舊封也曰南甸曰干崖曰隴川  
曰孟密三宣撫一安撫則正統時王驥討平  
麓賊思任父子之亂遺孽播遁西請其棄  
地封有功也大抵西南夷形勝惟蠻莫擅其  
雄後擁蠻哈前阻金沙上通迤西里麻茶山  
中通于厓南甸隴川木邦芒市下通孟密緬  
甸八百車里擺古誠爲水陸交會要區諸夷



襟喉重地。兼以山地肥饒。一年兩收。於此築  
堡設屯。且耕且守。亦控制諸夷之要領也。次  
則迤西。其地上抵麗江。下接擺古。左至西寧。  
右倚金沙。在內有孟倫安都六之勁兵。中有  
謙底乃之險峻。外有孟戛里孟掌之兩卒。土  
地殆將有木邦孟密緬甸三宜慰之廣。寶藏  
之富。生齒之繁。莫如孟密。五穀之饒。布帛之  
多。莫如緬甸。八百魚鹽之利。貿易之便。莫如  
車里擺古。有莽瑞體者。緬甸宜慰之裔也。元

時麓賊父子皆爲緬縛獻。後憫火復熾于孟  
養遂與緬世相讐。嘉靖間差官勘處竟不思  
其原爲討賊以挑隣讐。乃取其金牌符信而  
還。瑞體窮無所歸。逃於整古。修行學佛。得稜  
子無主聞其賢。迎爲噤喇。噤喇者華言公道  
主人也。由此雄據南滇。木邦孟密因來襲職。  
駁勘刁難。二首相繼投莽求立。迤西與莽相  
持。求援不得。亦折而入莽。莽遂兼并八百。蚕  
食車里老撾。六宣慰皆屬之矣。此皆當事流

官不善處置。欲其受中國控制得乎。○按炎  
微紀聞曰。諸蠻縱而惡法。戇而易欺。衛官與  
廂豪交市。倚法爲奸。丁剝而戶漁之。得利則  
爲之掩慝匿罪。誘引標掠。一不當意。則宣露  
宿惡。傳以醜辭。聳動官府。稍不加察。輕舉損  
威。釀成大禍。至於調族土官。往往方命。不受  
節制。賊未及平。而所過良民已遭荼毒矣。又  
曰。諸蠻俗醜惡。不足錄。錄之有深意焉。堪輿  
乍分。函夏之地。黎首蠢蠢。無異鳥獸。帝王賢

聖遜作。獎掖以仁義。陶鑄以禮樂。而匡錫以  
刑罰。然後人知衣冠之華。飲食之美。而彛倫  
之重。其在四裔。魑魅之與遊。利狼之與居。仁  
義禮樂刑罰之具。曾未目睹。猶函夏之初。然  
何怪其俗之醜惡也。夫風氣人文。相依周轉。  
四隅之地。首西北。次東北。又次東南。而西南  
其最後也。周封箕子于朝鮮。卽爲嘉域。而淮  
徐之區。擯爲戎夷。泰伯端委以治吳。丕革祝  
髮文身之習。秦漢開百粵。徙閩民於江淮。是

因薦莽狐兔之墟也。乃今聲華文物。軼中州  
矣。唐蒙通夜郎。閉於昆明。元方拓土。猶羈縻  
之耳。入國朝。遂列郡縣。而西洋海國。亦皆  
賓貢。蓋氣化漸開。則人文漸被。若旋風披拂  
自西北而極於西南之明驗也。焉知百世之  
後。滇焚之奧。不如閩廣之交。而八百車里諸  
夷。不有登圖籍。置官吏之日乎。今如九縣建  
置衛所。播州亦改設流官。鬼鄉皆爲雄鎮矣。

奴酋

削

奴酋卽金餘孽也。元滅金。以其地置軍民萬戶府。國朝分爲二種。曰建州。卽奴酋祖地。曰海西。曰野人。而建州實居中雄長。地最要害。永樂元年。野人酋長來朝。已而建州海西悉境歸附。設建州等衛所二百餘。置都司一。曰奴兒干以統之。官其酋。自都督至鎮撫有差。惟野人以絕遠貢無常期。其建州海西定每歲以十月驗放入貢。仍設馬市開原城。是時建州衛指揮阿哈出。及子釋家奴。皆以有功賜姓名。而釋家奴弟

猛哥不花亦以內附故。俾領毛憐衛累都督同知。父子兄弟光寵於時。此建州之始大也。正統初。建州衛都督猛可帖木兒爲七姓野人所殺。弟凡察子童倉逃之朝鮮。併失亡其印。於是稍衰矣。時童倉弟董山嗣爲建州衛。以何凡察童倉歸建州。朝廷存繼絕之義。詔更與印。比得故印。凡察輒匿更給者。乃更分建州左衛置右衛。剖二印。令董山領左。凡察領右。而夷性故驕蹶。自此益驕。輒誘北虜入寇不絕。殺掠遼東吏民。

無笑景泰中。巡撫王翱遣使詔諭。稍歸所掠。復  
款閔。然七姓之亂。諸酋多歿。子孫失其賜勅。不  
得官。以舍人入貢。賞賜大減。益失望。董山糾毛  
憐。海西諸夷盜邊無虛月。成化二年。遣都督武  
忠往諭。檄致董山。卽奴兒之祖。先羈廣寧。尋誅  
之。命靖虜將軍趙輔督師三道。入搗其巢。捕斬  
首虜過當。築撫順。清河。綏陽諸堡。邊備日嚴。夷  
稍創乞款貢。而朝廷亦欲與之休息。令董山  
凡察後。皆得襲諸從叛者。視先世遞貶一官。諸



夷雖復貢。然時時以報董山讐爲辭。往來患苦塞上。會大璫汪直。方倖功用事。巡撫陳越揣其意。疏言。建酋連結海西。名雖屏蔽。實懷獸心。宜大發兵創之。乃以撫寧侯朱永爲帥。副直行。襲破之。頗有斬獲。而虜益憤怨。深入焚掠。慘於往時。開原廣寧之間。騷然煩動矣。居久之。其酋完者禿。貢馬乞入謝。許之。諸酋復奉貢。請襲如故。迄正嘉間。塞上得息。嘉靖二十一年。建州李撒赤哈等入寇。巡撫孫繪禦之。失亡頗多。亡何撫

臣於敖坐減賞物。夷入譁更詐殺譁者。夷由此  
扶忿。數入寇。殺掠如成化時。遼之東西幾圉。已  
復稍輯。至萬曆廿八年。建州奴兒哈赤襲殺猛  
骨孛羅。其勢始悍。猛骨孛羅者。與那林孛羅俱  
海西部落。與奴酋之家。俱封龍虎將軍。猛最忠  
順。虜或入犯。輒預報得爲備。諸酋皆心惡之。奴  
酋尤甚。會猛酋與鄰酋相仇殺。猛力不支。請掠  
於邊吏。不許。願得乘障扞一圍。不許。遂求援奴  
酋。奴酋悉起。以援爲名。襲執之。時邊臣遣使講

抹。奴酋外恐吾聲罪寔心利其妻妾部落乃僞  
以女許猛酋長子。送次子歸我內地以苟塞前  
講說邊臣亦因循不與較。奴酋自是有輕中國  
之心。又先是奴酋父塔失有膽畧爲建州督王  
杲部將杲屢爲邊患。是時李寧遠爲總鎮誘降  
酋父爲寧遠嚮導討杲出奇兵往返入日而擒  
杲。酋父旣負不賞之功寧遠相其爲人有反狀  
基之以大攻陰設反機以焚之。歟時奴兒哈赤  
甫四歲寧遠不能掩其功哭之盡哀。撫奴兒哈

赤與其弟速兒哈赤如子。奴酋稍長。讀書識字。好看三國水滸二傳。自謂有謀畧。十六歲始出之建地。故其兵端動以報復祖父仇爲辭。日與其弟厲兵抹馬。設險擺塘。自三十四年貢後。以勒索車糧爲名。遂不復貢。時擁衆要挾。憑陵開原。邊臣噤悸。莫可誰何。原奴酋之寨。在寧官塔舊址。二面臨河。一面阻山。其城係磚石包砌。重圍。奴居內城。隨在夷人三百餘家。皆親黨心腹。外城在夷約近萬餘家。皆是挑選精壯者。其遠

近環寨散處之夷。約有數十萬之家。其地界南  
隣朝鮮。義州橫江爲界。離江有一千餘里。江外  
有十四道灣。係忽喇戶故址。皆爲奴併。又有王  
兀堂王寧古鐵等夷。亦爲奴所併。西隣長奠永  
奠。大奠寬奠新奠。靉陽孤山。賊陽。一堵牆。清河  
散羊峪。馬根卑。撫順。三岔兒。白家衝。撫安。柴河  
松山。靖安。威遠。鎮北關。北有混同江。烏龍江。白  
石江。江內先有灰扒。伯答里等夷。皆被奴酋襲  
殺擄掠。部夷八千餘衆。悉入奴地。另設置建夷

千餘家。屯種此地。又有海西夷。南關舊址。大澤山地方。亦併入奴酋。近屯兵二千餘家。在此住牧。初酋一兄一弟。皆以驍勇雄部落中。兄弟始登壇而議。旣則建臺策定。而下無一人聞者。兄歿。弟私三都督。酋疑弟二心。佯營壯弟一區。落成置酒招弟飲。會入于寢室。錮鎗之注。鐵鏈其戶。僅容二穴通飲食。出便溺。弟有二名。裸以勇聞。酋恨其佐弟。假弟令召入宅。腰斬之。長子數諫。酋勿殺弟。且勿負中國。奴亦困之。其克逆乃

天性也。然奴雖叛賊。大都有氣。昔哱承恩入京。襲父官。司馬吏故難之。哱誼于大司馬前。有司馬屬官異其相。擬明日置酒呼之酌。而是夜已去矣。奴酋氣亦類哱。蓋未嘗一日忘父仇也。九邊虜俱不毛。唯建夷產珠。及參與貂。最下赤松子界。鴨綠江而居。珠江出也。其魚最肥。又東北走數千里爲生虜。中國德知其幅員三千里。不知東北數千里。戰敗度可匿形。東多茂松。貂巢其上。張弓焚巢。則貂墮于羅。取山澤魚鹽之產。

易我中國之財。故首日富。酉歲貢蜜。燕開蜜市。  
自癸丑後不貢。至丁巳。相傳虜煉蜜爲秧。檟標  
臺疑其事。未敢訟。言于朝。密使遼陽材官蕭于  
玉。僞稱都督。叩命問故。子玉盛具儀仗。東臨虜  
境。首不郊迎。子玉大怒。詆虜曰。天使儼臨。而大  
都督不出。是辱皇朝也。將歸問罪。奴首聞之。懼  
然屬橐韃。跣迎道左。供具甚豐腴。子玉大喜。相  
與盡歡。徐致詰不貢市之命。首從容對曰。本部  
之蜜。猶天朝五穀也。五穀有不登之年。皇朝將



誰是諾耶。本部五年來。花踈蜂灰。是以不供。俟  
春枝花滿。醱熟蜂衙。當復貢市如初。此瑣事耳。  
何煩聖慮。厚贈子玉。並轡而出。至別處。從馬上  
拍子玉肩。笑曰。汝是遼陽無籍蕭子玉也。安得  
假稱都督。臨我郊境。我非不能殺汝。奏之。聖  
明。顧不忍貽。天朝以辱耳。爲我致意撫臺。後  
昨再作詐事。子玉狼狽西奔。撫臺聞之。閉門累  
口。中國每事貽笑遠人。安得不啓其輕侮之心  
哉。○已未冬。薊人咸云。奴酋苦饑。一日啜粥一

益識者曰。實者虛之。此未可信。薊人亦以薊之  
食爲喜。迨劉總戎破薊寨。五穀滿園。困奴酋於  
詐。諸事類此。○奴酋破清河。先一日。其子猶與  
張總戎夜飲。極洽。酒酣。二子忽叩張云。屢勸家  
君止戈。而壯心不已。假令終違苦口。元戎何策  
禦之。總戎時已醉。盛稱中國威德。兼揚已長。土  
子微笑而別。明日。驅貂參車數十乘入城。貂參  
窮而軍容見。因入據城門。延入諸騎。故清河之  
破。視撫順尤速。以後破遼陽。破廣寧。總之。先潰

在中國謂奴酋盡以善戰善攻得則譽寇太甚矣。○按遼左之人生二子。則以一人私役于奴酋。酋給之銀暨貂。卒歲而歸。值滿十五六金。奴酋掠錢無所用之。高積如山。欲歸者畀銀三兩。令盡力負錢。命所過給以飲食。負重者致腰背盡折。故城破之日。奴酋驅之而歸。不必以兵威劫也。○天啓六年八月。奴兒哈赤病死。

附錄史氏曰。語有云。爲虺弗摧。爲蛇若何。奴兒哈赤。本一孤雛。驟假名號。及併南關。旁啗

邊吏不聲討。竟弃新疆益之。廣墾爭車。寔有  
欲炙之色。復徂甘言弛備。以及潰裂。抑已疎  
矣。然建州彈丸地。向虛口清撫之難。曾無廣  
屯厚儲。清撫旣下。不爲守。知非有遠志。我徵  
兵漸集。葺殘壘。爲三肄困之。時以輕騎擾彼  
耕牧。計可坐制。歿命。而銳語出塞。自取輿尸。  
搏虎于蝸。佐鬪于穴。幾若此而不獎者。凡兵  
莫神于間。莫巧于顛倒。饑飽勞逸。以爲用。而  
我早測。師期深入重險。弃輜重。窖粟以資敵。

敵。其比數者。勢始日張。因并奪我三軍之膽。膽破而智勇竝困。宜乎遼瀋之爲開鐵續也。善師者。鼓之以膽而運之。以畧敵。銳能挫之。敵驕能忍之。轉敵之權而陰握其全勝。不啻與端肅爭烈矣。又曰。按海西南關王台。最忠順。惜子孫無良。以閭牆引外寇。自殲二妖。北關怨毒日深。遂快心于王台。子若孫自相屠割。而奴酋抽手待其斃。甚矣海西之愚。奴酋之黠也。人爲肉而我覆爲俎。幾是哉。原海

西密邇開鐵爲我屬夷與東西二夷牙錯勢  
能離其合。近歲拯北關以薄遼。稱制奴上策  
而竟剪焉。胥髡爲開鐵續誰噉厲階一蹶不  
振。悲夫。又曰方奴酋長驅開鐵。兵不血刃。  
卽蚩尤用兵無以過而竟徘徊歲餘。不敢越  
遼瀋尺步。何哉。凡兵以氣勝。始吾敗軍之餘  
不可復鼓。奴酋得折筮立下。及氣久漸定。兵  
食稍集。戰不足而守有餘。惟養吾全力。而操  
縱於飽勞。佚感之以漸。計彼銳易折。而驕

博物典彙卷之二十終  
亦可乘最爾一隅自將坐困而無奈戰守茫  
無成畫也。戰而失則以不能守爲戰罪。守而  
厯保無失則又以不能戰爲守罪。千人輿瓢  
可若何。語亦有云。誰爲手打賊者。今策奴酋  
無以口打賊則善矣。